

شبعان شقي

أربع عهود بالثانية واللحظة تمام

عدُّوا قوام

أنا ما افتكرش يادوب دقائق

الحظ سايق ف الهبل

وهموم جبل

يصعب عليه يقدر يشيل

الحظ لابس توب بخيل

عمال يرقع ف الهدوم

غربان وبوم واقفين ف وشه

ما عرفش امتى هايملا كرشه

فاكر بقرشة هيبقي سيد

والناس تروح له وتقصده

علشان يفك الجيب شويه
غلبان صحيح أحقق غبي
فاكرلي قال نفسه نبي
هوا اللي متربي ف شقا
لابس شقا
واكل شقا
شارب شقا
بالعربي مطحون م الشقا
هيطاطي رأسه آخر يومين
علشان بيحلم بالفطير
داانا انام وامدد ع السرير
واعزف شخير
ولا اذل نفس اتعودت
تبقي البساطة تاج لها